

Zaključak
po Prijavi koncentracije privrednog subjekta Proctor & Gamble Company, Sjedinjene
Američke Države

Sarajevo
Februar, 2010. godine

Broj: 01-06-26-003-3-II/10
Sarajevo, 16. februara 2010. godine

Na osnovu člana 25. stav (1) tačka e), člana 42. stav (1) tačka g), a u vezi sa čl. 12., 14. i 16. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta The Proctor & Gamble Company, 1 Proctor & Gamble Plaza, Cincinnati, 45202 Ohio, Sjedinjene Američke Države, podnesenoj po advokatu Marjani Kulenović, Vase Pelagića 48,78000 Banja Luka, zaprimljenoj dana 28. januara 2010. godine pod brojem: 01-06-26-003-II/10, Konkurencijsko vijeće, na 102. (stodrugoj) sjednici održanoj dana 16. februara 2010. godine, je donijelo

Z A K L J U Č A K

1. Odbacuje se Prijava koncentracije privrednog subjekta The Proctor & Gamble Company, 1 Proctor & Gamble Plaza, Cincinnati, 45202 Ohio, Sjedinjene Američke Države, i privrednog subjekta Sara Lee Corporation, 3500 Lacey Road Downers Grove, 60515 Illinois, Sjedinjene Američke Države, radi nepostojanja obaveze prijave, u smislu člana 14. Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 28. januara 2010. godine pod brojem: 01-06-26-003-II/10, Prijavu koncentracije (u daljem tekstu: Prijava) privrednog subjekta The Proctor & Gamble Company, 1 Proctor & Gamble Plaza, Cincinnati, 45202 Ohio, Sjedinjene Američke Države (u daljem tekstu: Proctor & Gamble ili Podnosilac prijave), podnesenu po advokatu Marjani Kulenović, Vase Pelagića 48,78000 Banja Luka (punomoć izdana dana 21. januara 2010. godine), kojom privredni subjekt Proctor & Gamble namjerava steći kontrolu nad dijelom privrednog subjekta Sara Lee Corporation, 3500 Lacey Road Downers Grove, 60515 Illinois, Sjedinjene Američke Države (u daljem tekstu: Sara Lee Corporation), odnosno nad imovinom koja se odnosi na proizvodnju / distribuciju proizvode za osvježavanje zraka.

Konkurencijsko vijeće uvidom u podnesenu Prijavu je utvrdilo da je ista potpuna i kompletna, u smislu člana 30. stavak (1) Zakona o konkurenciji (u daljem tekstu: Zakon) i čl. 8. i 10. Odluke o načinu podnošenja prijave i kriterija za ocjenu koncentracija privrednih subjekata («Službeni glasnik BiH», broj 95/06), te je izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 16. februara 2010. godine broj: 01-06-26-003-1-II/10.

U Prijavi je navedeno da je zahtjev za ocjenu koncentracije podniet tijelima za konkurenciju: Republike Austrije, Republike Albanije, Republike Bugarske, Republike Kipar, Savezne Republike Njemačke, Republike Mađarske, Republike Italije, Republike Poljske, Republike Srbije, Republike Slovačke, Republike Španjolske, Ujedinjenog Kraljevstva i Republike Makedonije, u smislu člana 30. stav (2) Zakona.

Komisija za zaštitu konkurencije Republike Srbije je odobrila koncentraciju Rješenjem broj: 6/0-02-14/2010 dana 22. januara 2010. godine.

Konkurencijsko vijeće iz Prijave je utvrdilo sljedeće činjenice:

Prijava je dostavljena, u smislu člana 16. stav (2) Zakona, budući da su učesnici koncentracije međusobno u pisanom obliku potvrdili svoju ozbiljnu namjeru za provođenjem predmetne koncentracije, odnosno privredni subjekt Sara Lee Corporation je prihvatio Ponudu dostavljenu od strane privrednog subjekta Proctor & Gamble Company.

1. Učesnici predmetne koncentracije

Učesnici koncentracije su privredni subjekti The Proctor & Gamble Company, 1 Proctor & Gamble Plaza, Cincinnati, 45202 Ohio, Sjedinjene Američke Države, i privredni subjekt Sara Lee Corporation, 3500 Lacey Road Downers Grove, 60515 Illinois, Sjedinjene Američke Države.

1.1. Privredni subjekt Proctor & Gamble Company

Privredni subjekt Proctor & Gamble Company (dioničarsko društvo), 1 Proctor & Gamble Plaza, Cincinnati, 45202 Ohio, Sjedinjene Američke Države, je registrovan dana 5. maja 1905. godine pod brojem: A56135 u uredu Državnog tajništva u Columbusu, Ohio, Sjedinjene Američke Države.

Privredni subjekt Proctor & Gamble Company ima ukupno 2.301.000 dioničara (sa danom 30. junom 2009. godine), a najveći dioničari su:

- privredni subjekt Proctor & Gamble Sharing Trustees (Sjedinjene Američke Države) sa (..)*¹% vlasničkog udjela;
- privredni subjekt State Street Global Advisors Trustees (Sjedinjene Američke Države) sa (..)*% vlasničkog udjela;
- privredni subjekt Barclays Global Investors NIA (Ujedinjeno Kraljevstvo) sa (..)*% vlasničkog udjela;
- privredni subjekt Fidelity Management & Research (Sjedinjene Američke Države) sa (..)*% vlasničkog udjela;
- privredni subjekt Vanguard Group, Inc (Sjedinjene Američke Države) sa (..)*% vlasničkog udjela;
- ostali mali dioničari imaju (..)*% vlasničkog udjela.

Privredni subjekt Proctor & Gamble Company u organizacionoj strukturi djelatnosti ima tri poslovne jedinice i to za: njegu ljepote i uljepšavanje, zdravlje, ljepotu i održavanje (čišćenje) kućanstava, što predstavlja i njegove temeljne registrovane djelatnosti.

Privredni subjekt Proctor & Gamble Company indirektno djeluje u 180 zemalja svijeta, a direktno preko svojih povezanih društava u 80 zemalja svijeta.

¹ (..)* Podaci predstavljaju poslovnu tajnu, u smislu člana 38. Zakona o konkurenciji

1.1.1. Povezana društava privrednog subjekta Proctor & Gamble Company u Bosni i Hercegovini

Privredni subjekt Proctor & Gamble Trgovačko društvo d.o.o. Sarajevo, Lužansko polje 7, 71000 Sarajevo (u daljem tekstu: Proctor & Gamble Trgovačko društvo) je registrovan u Opštinskom sudu u Sarajevu pod brojem: 65-01-0374-09 (stari broj: 1-21445) u 2000. godini, u 100,0% je u vlasništvu privrednog subjekta Proctor & Gamble Eastern Europe LLC, 1300 Cleveland, Ohio East Ninth Street (registrovan u Uredu državnog tajništva u Columbusu, Ohio 43215, Sjedinjene Američke Države, pod brojem: 200516700138 dana 15. juna 2005. godine) sa osnovnim uplaćenim kapitalom od (..)*KM.

Osnovne registrovane djelatnosti privrednog subjekta Proctor & Gamble Trgovačko društvo su trgovina na malo i veliko kozmetikom i toaletnim proizvodima (proizvodi za njegu ljepote i uljepšavanje, zdravlje te održavanje i čišćenje kućanstava).

Privredni subjekt Orbico d.o.o. Sarajevo, Lužanska 7, 71000 Sarajevo, je lokalni distributer proizvoda privrednog subjekta Proctor & Gamble Company u Bosni i Hercegovini, na osnovu zaključenog ugovora s privrednim subjektom Proctor & Gamble Eastern Europe LLC.

1.2. Privredni subjekt Sara Lee Corporation

Privredni subjekt Sara Lee Corporation, 3500 Lacey Road Downers Grove, 60515 Illinois, Sjedinjene Američke Države je osnovan 1939. godine. Promjenom ugovora o osnivanju, u skladu sa zakonima države Maryland fizičke osobe Ruben Openhamer, 1508 First National Bank Building, Baltimor, Merilend, Howard H. Conaway, 1508 First National Bank Building, Baltimor, Merilend i George Gump, 1508 First National Bank Building, Baltimor, Merilend su se udružile s namjerom osnivanja dioničarskog društva (dana 3. septembra 2003. godine).

Osnovne registrovane djelatnosti privrednog subjekta Sara Lee Corporation su proizvodnja različitih proizvoda za održavanje obuće, proizvoda za pranje odjeće (deterdženata), insekcitida, proizvoda za osvježavanje zraka i slično.

Privredni subjekt Sara Lee Corporation indirektno djeluje u 180 zemalja svijeta, a direktno preko svojih povezanih društava u 40 zemalja svijeta.

Privredni subjekt Sara Lee Corporation nema 10,0% ili više vlasničkog udjela u osnovnom kapitalu, odnosno 10,0% i više prava glasa niti u jednom privrednom subjektu u Bosni i Hercegovini.

Privredni subjekt Sara Lee Corporation u Bosni i Hercegovini ima poslovnu saradnju s privrednim subjektom Dara d.o.o. Kneza Višeslava 4, 88240 Posušje, preko koga vrši distribuciju proizvoda za osvježavanje zraka robne marke Ambi Pur.

2. Obaveza prijave e koncentracije

Obaveza prijave koncentracije privrednih subjekata, u smislu odredbe člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskoj razini iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvarena prodajom roba i /ili usluga na tržištu Bosne i

Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni ostvareni godišnji prihodi učesnika koncentracije, na dan 31. decembra 2008. godine, su:

Tabela 1.

	Proctor & Gamble Company		Proctor & Gamble Trgovačko društvo	Sara Lee Corporation	
	KM	USD		KM	USD
Svijet	(..)* miliona	(..)* miliona	-	(..)* miliona	(..)* miliona
Bosna i Hercegovina	-	-	(..)*KM	(..)*	-

Izvor: podaci iz Prijave

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterija za ocjenu koncentracija privrednih subjekata.

3. *Pravni okvir ocjene predmetne koncentracije*

Konkurencijsko vijeće u postupku ocjene predmetne koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», broj 18/06), te Odluke o načinu podnošenja prijave i kriteriji za ocjenu koncentracija privrednih subjekata.

4. *Pravni osnov koncentracije*

Privredni subjekt Proctor & Gamble Company je dostavio, dana 11. decembra 2009. godine, novčanu Ponudu u iznosu od (..)*KM (..)*EUR privrednom subjektu Sara Lee Corporation za sticanje imovine u poslovnoj aktivnosti u sektoru proizvodnje /distribucije proizvoda za osvježavanje zraka, odnosno aktivnosti pod poslovnim nazivom «Sara Lee Air Care».

Predmet ove transakcije je imovina (uključujući inventar i nepokretnosti, opremu, intelektualno vlasništvo, zaposlenike) u svim povezanim društvima privrednog subjekta Sara Lee Corporation, koja se nalazi u većem broju zemalja svijeta, a koja se odnosi na proizvodnju /distribuciju proizvodima za osvježavanje zraka.

Privredni subjekt Sara Lee Corporation je potvrdio prijem Ponude, te je dostavio Pismo o prihvatanju ponude dana 11. decembra 2009. godine. Konačan sporazum o predmetnoj transakciji (prodaji i kupovini određene imovine privrednog subjekta Sara Lee Corporation) učesnika koncentracije bit će potpisan nakon završenih svih pregovora između učesnika koncentracije.

5. *Ocjena predmetne Prijave*

Prema podacima iz Prijave učesnici predmetne koncentracije ne ispunjava kumulativne uslove utvrđene članom 14. stav (1) Zakona jer:

- ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi manje od 8.000.000,00 KM (Tabela 1.);

- jer zajednički tržišni udio učesnika koncentracije na relevantnom tržištu nije veći od 40,0%, budući da ukupan tržišni udio od 20,0% je ostvario isključivo privredni subjekt Sara Lee Corporation,

Slijedon navednoga Konkurencijsko vijeće je utvrdilo da predmetna Prijava ne ispunjava uslove iz člana 14. Zakona, te je odlučilo kao u dispozitivu ovoga Zaključka.

6. Administrativna taksa

Podnosilac prijave na ovaj Zaključak, u skladu sa članom 2. stav (1) tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 1.000,00 KM, u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Predsjednik
dr Stjepo Pranjić